



Broj: 101-297/20  
Mostar, 4.2.2020. godine

Na osnovu člana 72. Statuta Univerziteta „Džemal Bijedić“ u Mostaru, Senat Univerziteta, na 98. sjednici održanoj 30.1.2020. godine, donio je

### ODLUKU

o usvajanju Kodeksa ponašanja i odijevanja na Univerzitetu „Džemal Bijedić“ u Mostaru

#### I

Usvaja se Kodeks ponašanja i odijevanja na Univerzitetu „Džemal Bijedić“ u Mostaru.

#### II

Kodeks iz prethodnog stava čini sastavni dio ove Odluke.

#### III

Odluka stupa na snagu danom donošenja.

PREDSJEDAVAJUĆI SENATA  
UNIVERZITETA „DŽEMAL BIJEDIĆ“ U MOSTARU

  
Prof. dr. Elvir Zlomušica, rektor



**Dostaviti:**

- Senatu
- Fakultetima
- Univerzitetским studijima
- Uniji studenata
- a/a

Na osnovu člana 72. Statuta Univerziteta „Džemal Bijedić“ u Mostaru Senat Univerziteta, na 98. sjednici održanoj 30.1.2020. godine, donio je

## **KODEKS PONAŠANJA I ODIJEVANJA NA UNIVERZITETU „DŽEMAL BIJEDIĆ“ U MOSTARU**

### **PRVI DIO – OSNOVNE ODREDBE**

#### **Član 1.**

##### **(Predmet Kodeksa)**

(1) Kodeksom ponašanja i odijevanja na Univerzitetu „Džemal Bijedić“ u Mostaru (u daljem tekstu: Kodeks) utvrđuju se opća pravila i principi ponašanja i odijevanja uposlenika, saradnika i studenata na Univerzitetu „Džemal Bijedić“ u Mostaru (u daljem tekstu: Univerzitet) koja su u skladu sa opće prihvaćenim civilizacijskim vrijednostima te etičkim, moralnim i profesionalnim normama i standardima.

(2) Kodeks sadrži pravila ponašanja uposlenika i saradnika u njihovom međusobnom odnosu i u odnosu prema studentima i strankama, pravila ponašanja studenata međusobno i prema uposlenicima i saradnicima, te pravila odijevanja uposlenika, saradnika i studenata na Univerzitetu.

#### **Član 2.**

##### **(Svrha Kodeksa)**

Cilj donošenja Kodeksa je normiranje prihvatljivog načina ponašanja i uposlenika, saradnika i studenata Univerziteta, koji će dostojno prezentovati Univerzitet kao mjesto odgajanja budućih glavnih nosilaca društvenih aktivnosti.

#### **Član 3.**

##### **(Principi ponašanja)**

Uposlenici, saradnici i studenti su dužni poštivati sljedeće principe ponašanja:

- a) **Profesionalno i akademsko ponašanje** – u svom djelokrugu uposlenici i saradnici postupaju profesionalno, savjesno i odgovorno poštivajući akademska i načela objektivnosti, nepristrasnosti i uvažavanja.
- b) **Profesionalni odnos uposlenika i saradnika prema studentima** – podrazumijeva poštivanje digniteta ličnosti studenata, maksimalno izraženu susretljivost, strpljivost i spremnost na pružanje podrške i pomoći studentima u nastavnom i naučnoistraživačkom/umjetničkoistraživačkom procesu.
- c) **Profesionalni odnos studenata** podrazumijeva poštovanje uposlenika i saradnika, kao i međusobno poštivanje, redovno i odgovorno ispunjavanje svojih obaveza u nastavnom i naučnoistraživačkom/umjetničkoistraživačkom procesu.
- d) **Poštivanje institucije** – poštivanje Univerziteta se očituje kroz dosljedno poštovanje i primjenu pozitivnih pravnih propisa i akata Univerziteta.

### **DRUGI DIO – KODEKS PONAŠANJA I ODIJEVANJA**

#### **Član 4.**

##### **(Profesionalno ponašanje uposlenika i saradnika)**

(1) Profesionalno ponašanje uposlenika i saradnika podrazumijeva:

- a) dužnost poštivanja obaveza, ovlaštenja i odgovornosti, hijerarhiju i organizacijsku strukturu Univerziteta,
- b) obavezu pravilnog, tačnog i blagovremenog obavljanja zadataka i poslova svog radnog mjesta,
- c) obavezu izbjegavanja i suzdržavanja od onih radnji i postupaka koji na bilo koji način nanose štetu ugledu Univerziteta,

- d) dužnost profesionalnog, pristojnog i ljubaznog postupanja, uz puno poštovanje ličnosti i dostojanstva sagovornika u ophođenju sa studentima i međusobno.
- (2) Akademska komunikacija, podrazumijeva oslovljavanje sa „Vi“, kako između članova uposlenika i saradnika na Univerzitetu, tako i u odnosu uposlenika i saradnika i studenata.

#### **Član 5.**

##### **(Akademska ponašanja studenata)**

Akademska ponašanja studenata u smislu ovog Kodeksa podrazumijeva:

- a) dužnost prisustva na predavanjima, vježbama i drugim oblicima izvođenja nastave bez kašnjenja, propisno odjeveni,
- b) dužnost poštovanja akademske sredine i uvažavanje principa nenasilne komunikacije u nastavnom i naučnoistraživačkom/umjetničkoistraživačkom procesu,
- c) korištenje mobilnog telefona i drugih tehničkih aparata tokom nastave i ispita je dozvoljeno isključivo u nastavne svrhe i uz dopuštenje nastavnika/saradnika.

#### **Član 6.**

##### **(Pravila odjevanja uposlenika, saradnika i studenata)**

- (1) Uposlenici, saradnici i studenti su dužni biti uredni i prikladno odjeveni, tako da svojim izgledom ne narušavaju ugled Univerziteta.
- (2) Kodeksom je predviđen poslovno - ležerni stil odjevanja.

#### **Član 7.**

##### **(Zabranjena neprikladna odjevanja za uposlenike, saradnike i studente)**

- (1) Uposlenicima, saradnicima i studentima se zabranjuje da se na radnom mjestu:
- nose odjevne predmete koji imaju upadljivi, izazovni i napadni dekolte ili otkrivaju stomak ili leđa;
  - nose majice bez rukava, odjeću na bretele, prozirnu i tijesnu odjeću;
  - nose mini suknje, bermude i šorc;
  - nose papuče, sandale koje otkrivaju prste i bosa noge;
  - nose odjeću s porukama koja vrijeđa osjećaje drugih;
  - nose hlače koje otkrivaju donje rublje;
  - nose policijske ili vojne uniforme;

### **ČETVRTI DIO – JAVNO ISTUPANJE, POSLOVNE INFORMACIJE I POLITIČKI ANGAŽMAN**

#### **Član 8.**

##### **(Javno istupanje)**

- (1) Uposlenici, saradnici i studenti Univerziteta su dužni voditi računa o svom ponašanju i izvan prostora Univerziteta, na javnim mjestima, istupanjima/nastupanjima u javnosti, pazeći na svoj lični ugled i ugled Univerziteta.
- (2) U svim oblicima javnih istupa/nastupa i drugim oblicima djelovanja s ciljem predstavljanja Univerziteta očekuje se postupanje u skladu sa najvišim etičkim i profesionalnim standardima.

#### **Član 9.**

##### **(Poslovne informacije)**

- (1) Informacije i podaci koji za poslovanje Univerziteta imaju iznimnu važnost smatraju se poslovnim tajnom, a njihovo otkrivanje neprihvatljivim ponašanjem.
- (2) Od uposlenika, saradnika i studenata se očekuje da se prema povjerljivim podacima odnose odgovorno i savjesno, te da ih u radu koriste isključivo prema svojim ovlaštenjima.

#### **Član 10.**

##### **(Političke aktivnosti i autonomija Univerziteta)**

- (1) Uposlenici i saradnici u vršenju svojih dužnosti slijede načelo političke neutralnosti i autonomije Univerziteta.
- (2) U službenim prostorima Univerziteta nije dopušteno isticanje simbola i propagandnog materijala, niti aktivnosti političkih subjekata.

#### **ŠESTI DIO – PRELAZNE I ZAVRŠNE ODREDBE**

#### **Član 11.**

##### **(Primjena Kodeksa)**

- (1) U slučaju nepoštovanja Kodeksa od strane uposlenika i saradnika, neposredni rukovodilac dužan je usmeno upozoriti uposlenika odnosno saradnika na obavezu poštivanja ovog Kodeksa.
- (2) U slučaju nepoštovanja Kodeksa od strane studenata rukovodstvo Univerziteta, njegovih organizacionih jedinica i univerzitetskih studija, kao i uposlenici i saradnici su dužni usmeno upozoriti studenta na obavezu poštivanja Kodeksa, a nastavnik/saradnik ima pravo i obavezu studenta koji ne poštuje Kodeks zamoliti da napusti prostorije u kojima se izvodi nastavni proces ili ispit.
- (3) Protiv uposlenika, saradnika i studenata na Univerzitetu koji se ne pridržavaju Kodeksa biti će pokrenut postupak u smislu nepoštivanja akata Univerziteta.

#### **Član 12.**

##### **(Tumačenje odredbi Kodeksa)**

U slučaju neslaganja strana u tumačenju i primjeni Kodeksa, autentično tumačenje daje Senat Univerziteta.

#### **Član 13.**

##### **(Stupanje na snagu Kodeksa)**

Ovaj Kodeks stupa na snagu danom donošenja i bit će objavljen na web stranici Univerziteta i vidljiv na oglasnoj ploči, te će biti dostupan studentima.

**PREDSJEDAVAJUĆI SENATA  
UNIVERZITETA „DŽEMAL BIJEDIĆ“ U MOSTARU**

Prof. dr. Elvir Zlomušica, rektor



#### **Dostaviti:**

- Senatu
- Sekretarijatu
- Uniji studenata
- Fakultetima 8x
- Voditeljima studija 4x
- a/a